

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0059870 25
Zenica, 19.02.2025. godine

OPĆINSKI SUD U ZENICI
-Sudiji za prethodno saslušanje-
Z E N I C A

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

Protiv:

V. K., neosuđivan,

što je:

dana 22.06.2024. godine oko 18,00 sati, na području grada Z., u mjestu V., na lokalitetu zvanom „B.“, motornom silom izazvao opasnost po život ljudi, na način da je upravljajući motokultivatorom vlasništvo oštećenog Z. K., koji je u tom trenutku sjedio u prostoru unutar prikolice motokultivatora, dok se kretao po zemljanom šumskom putu i koji nije bio pristupačan za vožnju, iako je bio svjestan da u takvim okolnostima može izgubiti kontrolu nad motokultivatorom i da uslijed toga može nastupiti zabranjena posljedica, ali je olako držao da do toga neće doći i da će moći spriječiti nastupanje takve posljedice, kada je iznenada izgubio kontrolu nad motokultivatorom, koji se nastavio kretati padinom niz livadu i tada je udario u drvo, uslijed kojeg je udara Z. K. ispao iz prikolice motokultivatora na tlo, prilikom kojeg pada je zadobio povrede u vidu razmicanja (*diastatis*) stidnih kostiju zdjelice, preloma dvanaestog rebra sa lijeve strane, nagnječenja lijeve preponske regije, nagnječenja glave sljepoočno desno sa nagnječno - razderotinskom ranom desne usne školjke i potresa mozga, koje povrede sveukupno čine jednu cjelinu te se kvalifikuju kao teška tjelesna povreda, a koje su mu konstatovane u Kantonalnoj bolnici u Zenici,

dakle, iz nehata, motornom silom izazvao opasnost po život ljudi pri čemu je jedna osoba teško tjelesno povrijeđena,

čime je počinio krivično djelo „Teška krivična djela protiv opće sigurnosti ljudi i imovine“ iz člana 328. stav 3. u vezi sa krivičnim djelom “Izazivanje opće opasnosti” iz člana 323. stav 4. u vezi sa stavom 1. Krivičnog zakona Federacije Bosne i Hercegovine (KZ F BiH).